

مِنْ فَضَائِلِ شَهْرِ رَمَضَانَ
MU BYIZA BY'UKWEZI KWA RAMADHAN



BYATEGUWE NA:
KWEGEREZA ISLAM UMURYANGO



بِسْمِ اللَّهِ الرَّحْمَنِ الرَّحِيمِ

MU BYIZA BY'UKWEZI KWA RAMADHAN

Ishimwe n'ikuzo byuzuye nta wundi bikwiriye uretse Allah umurezi w'ibiremwa byose, we wadutegetse gusiba ukwezi kwa Ramadhan, kugira ngo turusheho kumutinya, dukora ibyo yadutegetse, tujya kure y'ibyo yatubujije, turamusaba ko yataka Intumwa ye (Muhammad) mu bamalayika, akanayihundagazaho amahoro n'imigisha, yo, abayo, abasangirangendo bayo, abayikurikiye n'abazakomeza kuyikurikira kugeza ku munsi w'imperuka. Nyuma y'ibyo:

Tugiye kurebera hamwe bimwe mu byiza by'ukwezi kwa Ramadhan twifashishije Qor'aan ndetse n'imvugo z'Intumwa y'Imana Allah ayitake mu bamalayika anayihundagazaho amahoro, n'inyungu zabyo:

١. قَالَ اللَّهُ تَعَالَى: ﴿يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ﴾. [البقرة: ١٨٣].

1. Allah yaravuze ati: “Yemwe abemeye mwategetswe gusiba nk'uko byari byarategetswe abababanjirije kugira ngo muganduke.” [Surat Al'baqarat:183].

٢. قَالَ اللَّهُ تَعَالَى: ﴿شَهْرُ رَمَضَانَ الَّذِي أُنْزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَى وَالْفُرْقَانِ فَمَن شَهِدَ مِنْكُمُ الشَّهْرَ فَلْيَصُمْهُ﴾. [البقرة: ١٨٥].

2. Allah yaravuze ati: “Ukwezi kwa Ramadhani niko kwamanuwemo Qoraan, (kugira ngo ibe) umuyoboro ku bantu n'ibimenyetso bigaragara by'umuyoboro (wa Allah) binatandukanya ukuri n'ikinyoma,

uwo uko kwezi kuzasanga azagusibe.” [Surat Al’baqarat:185].

INYUNGU DUKURA MURI IZI AYAT:

1. Ni uko ukwezi kwa **Ramadhan** gufite agaciro gakemeye aho ntakundi kwezi twategetswe gusiba uretse ko.
2. Ni uko ukwezi kwa **Ramadhan** ariko kwamanuwemo Qoraan, byongeye kandi ni byiza kurushaho gusoma Qoraan haba mu bihagararo cyangwa hanze yabyo muri uku kwezi nk’uko byaranze abatubanjirije beza.

١. عَنْ أَبِي هُرَيْرَةَ رَضِيَ اللَّهُ عَنْهُ قَالَ: قَالَ رَسُولُ اللَّهِ ﷺ: «إِذَا دَخَلَ رَمَضَانُ فَتَحَتْ أَبْوَابُ الْجَنَّةِ وَغُلِقَتْ أَبْوَابُ جَهَنَّمَ وَسُلِسِلَتِ الشَّيَاطِينُ». [رَوَاهُ الْبُخَارِيُّ وَمُسْلِمٌ]

1. Biturutse kwa Abii hurayrat **Allah** amwishimire yaravuze ati: Intumwa y’Imana (Muhammad) Allah ayitake mu bamalayika anayihundagazeho amahoro, yaravuze iti: “Iyo ukwezi kwa Ramadhan kwinjiye, imiryango y’ijuru irafungurwa, imiryango y’umuriro wa Jahannama igafungwa, n’amashitani akabohwa.” [Yakiriwe na Bukhariy na Muslim].

٢. عَنْ أَبِي هُرَيْرَةَ رَضِيَ اللَّهُ عَنْهُ قَالَ: قَالَ رَسُولُ اللَّهِ ﷺ: «إِذَا كَانَ أَوَّلُ لَيْلَةٍ مِنْ شَهْرِ رَمَضَانَ صُفِّدَتِ الشَّيَاطِينُ وَمَرَدَةُ الْجِنِّ، وَغُلِقَتْ أَبْوَابُ النَّارِ فَلَمْ يُفْتَحْ مِنْهَا بَابٌ، وَفُتِحَتْ أَبْوَابُ الْجَنَّةِ فَلَمْ يُغْلَقْ مِنْهَا بَابٌ، وَيُنَادِي مُنَادٍ: يَا بَاغِيَ الْخَيْرِ أَقْبِلْ، وَيَا بَاغِيَ الشَّرِّ أَقْصِرْ، وَلِلَّهِ عِتْقَاءُ مِنَ النَّارِ، وَذَلِكَ كُلُّ لَيْلَةٍ». [رَوَاهُ التِّرْمِذِيُّ].

2. Biturutse kwa Abii hurayrat **Allah** amwishimire yaravuze ati: Intumwa y’Imana (Muhammad) Allah ayitake mu bamalayika anayihundagazeho amahoro, yaravuze iti: “Iyo ari ijoro rya mbere mu kwezi kwa Ramadhan, Amashitani n’amajini yigometse arazirikwa, imiryango y’umuriro igafungwa ntihagire umuryango ufungurwamo

numwe, n'imiryango y'ijuru igafungurwa ntihagire umuryago ufungwamo numwe, nuko umuhamagazi agahamagara agira ati: yewe uwifuza gukora ibyiza bikore, yewe uwifuza gukora ibibi bireke, kandi Allah afite abo arokora umuriro (muri uku kwezi), ibyo (byose) bikaba buri joro.” [Yakiriwe na Trimidhiy].

INYUNGU DUKURA MURI IZI HADITH:

1. Tugomba gukora ibikorwa byiza cyane bishoboka twubahiriza uriya muhamagaro uhamagara ba bandi bakora ibyiza ko babikora, na ba bandi bakora ibibi ko barekera kubikora, ikindi ni ngombwa ku mwemeramana kwemera ko uriya muhamagaro ari ukuri akanemera ko ubaho, nk'uko byaje muri iyi mvugo yatambutse, kubera ko Intumwa y'Imana (Muhammad) Allah ayitake mu bamalayika anayihundagazeho amahoro, ntabwo yajyaga ivuga ishingiye ku marangamutima yayo, ahubwo yabaga ishingiye ku butumwa yahishuriwe.
2. Nanone kandi nuko Allah afite abo arokora umuriro buri munsu muri uku kwezi niyo mpamvu tugomba gushyiramo umwete kugira ngo tube muri abo, dusaba Allah ko yaduha kuzaba muri abo.

۳. عَنْ أَبِي هُرَيْرَةَ رَضِيَ اللَّهُ عَنْهُ لَمَّا حَضَرَ رَمَضَانَ قَالَ رَسُولُ اللَّهِ ﷺ قَالَ: «قَدْ جَاءَكُمْ رَمَضَانُ شَهْرٌ مُبَارَكٌ افْتَرَضَ اللَّهُ عَلَيْكُمْ صِيَامَهُ تَفْتَحُ فِيهِ أَبْوَابُ الْجَنَّةِ ، وَتُغْلَقُ فِيهِ أَبْوَابُ الْجَحِيمِ ، وَتُغْلَقُ فِيهِ الشَّيَاطِينُ ، فِيهِ لَيْلَةٌ خَيْرٌ مِنْ أَلْفِ شَهْرٍ مَنْ حَرَّمَ خَيْرَهَا فَقَدْ حَرَّمَ». [رَوَاهُ أَحْمَدُ].

3. Biturutse kwa Abii hurayrat Allah amwishimire yaravuze ati: ubwo ukwezi kwa Ramadhan kwari kugeze, Intumwa y'Imana (Muhammad) Allah ayitake mu bamalayika anayihundagazeho amahoro, yaravuze iti: “Muziwe n'ukwezi Ramadhan, ukwezi kw'imigisha, Allah yabategetse ku gusiba, hafungurwamo imiryango y'ijuru,

hagafungwamo imiryango y'umuriro, n'amashitani akazirikwa, harimo ijoro (rimwe), ni ryiza kuruta amezi igihumbi, utazahabwa ibyiza byaryo azaba yabyimwe.”

[Yakiriwe na Ahmad].

INYUNGU DUKURA MURI IYI HADITH:

1. Ramadhan ni ukwezi kw'imigisha, ukwezi kw'igisibo, ukwezi kw'ibyiza, ukwezi ko kumvira Allah no gushaka ijuru, ukwezi ko kurokoka umuriro.
2. Muri Ramadhan harimo ijoro rimwe bita Ijoro ry'ubugabe (Laylatul-qadir), ibikorwa byiza wakoramo biruta ibikorwa byiza wakora mu mezi igihumbi, niyo mpamvu tugomba gushyiraho umwete cyane kugira ngo ntibizaducikwe.

٤. عَنْ أَبِي هُرَيْرَةَ رَضِيَ اللَّهُ عَنْهُ قَالَ: قَالَ رَسُولُ اللَّهِ ﷺ: «مَنْ صَامَ رَمَضَانَ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ». [رَوَاهُ الْبُخَارِيُّ وَمُسْلِمٌ].

4. Biturutse kwa Abii hurayrat Allah amwishimire yaravuze ati: Intumwa y'Imana (Muhammad) Allah ayitake mu bamalayika anayihundagazeho amahoro, yaravuze iti: “Uzasiba ukwezi kwa Ramadhan, afite ukwemera Allah, ari nawe atezeho ibihembo azababwirwa ibyaha bye byatambutse.” [Yakiriwe na Bukhariy na Muslim].

٥. عَنْ أَبِي هُرَيْرَةَ رَضِيَ اللَّهُ عَنْهُ قَالَ: أَنَّ رَسُولَ اللَّهِ ﷺ: «مَنْ قَامَ رَمَضَانَ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ». [رَوَاهُ الْبُخَارِيُّ وَمُسْلِمٌ].


5. Biturutse kwa Abii hurayrat Allah amwishimire yavuze ko Intumwa y'Imana (Muhammad) Allah ayitake mu bamalayika anayihundagazeho amahoro, yavuze iti: “Uzakora igihagararo (amasengesho ya nijoro) mu kwezi kwa Ramadhan, afite ukwemera Allah, ari nawe atezeho

ibihembo azababariwa ibyaha bye byatambutse.” [Yakiriwe na Bukhariy na Muslim].

INYUNGU DUKURA MURI IYI HADITH:

1. Ni uko wawundi uzasiba, akanakora ibihagararo bya nijoro mu kwezi kwa Ramadhan, yemera **Allah** ari nawe atezeho ibihembo azababariwa ibyaha bye byatambutse.
2. Ni uko ukwemera **Allah** no gukora ibikorwa kubera **Allah**, ari bimwe mu bisabwa mu bikorwa ngaragiramana byose, nkuko byaje muri Qoraan no muri Hadith zitandukanye.

Mugusoza turasaba **Allah** ko yadushoboza gusarura muri uku kwezi.





BYATEGUWE NA:
K.W.E.G.E.R.E.Z.A I.S.L.A.M U.M.U.R.Y.A.N.G.O

